

صاحبی ، مدیری ، محرری :



اسلامك نفعنه خادم مقالات
مع الت شكر قبول ونشر اولونور
يازانك شخصيتي دكل ، يازينك اهميتي
نظر دفته آيتير .

كلن يازيلردن شايان قبول كورولنار :
تاريخ سراسيله درج ايديلير .

مخمس

۱۳۳۸

علمی ، ادبی ، اجتماعی و شمعيلك شهرى
مجموعه

۱۳۳۹ ذى الحجه سنه مخصوص نسخه

عدد : ۱۴

اداره خانه سي : شهرزاده باشنده

تعالى اسلام
جمعيتي مركز عموميسي

مركز توزيرى :
باب عالي جاده سنده (اتحاد
تجارت) كتبخانه سي

آبونه بدلى :
سنه لى ۱۲۰ غروش

آلتى آيلنى ۶۰
اوج آيلنى ۳۰

في ۱۰ غروش

مهرجات :

تمنى وتضرع - طاهر المولوى .

مخمس علمى و انتقادى : كوبا حضرت پيغمبر وبعض اصحابك رسملى - طاهر المولوى . مجتهدل مجتهدى

مقاله سي - طاهر المولوى .

مخمس ادبى : ايران ادبى - فريد . سليم اوله - فوقادى زاده شكيب . ابكى قطعه - حافظ اسماعيل .

قطعات - سعود المولوى . رشاد فؤاد بك تاريخ ارتحالى - احسان محوى . نشيده درويشانه - طاهر المولوى . قصه ،
حصه . حسن عشق - شيخ غالب .

مخمس تاريخى : امين خاكي - احسان محوى . بولشه ويكلك وابوذر غفارى - طاهر المولوى .

مرحوم صالح ذكى بك - محمد عزت .

مجله ادبی

حافظ شیرازی

ایران ادبیاتی : ۱۳ نجی نسخه ده مابعد

حافظه کلینجه ایرانده یه تیشون (لیریک) شاعر-
لرک اک بویو کیدر . غایت مستغنی ، غایت لایالی
اولدیفندن (آل مظفر) دن (سلطان احمد) ک
التفات نامیله بویته کچیرمک ایستهدیکی طوق اسارته
تسلیم کردن ایتمه مشدر . تجرددن ، استغادن منبعث
حالاتی اویله ساحرانه بر ادا ایله تبایغ ایدرکه او
وادیده کی سوزلرینی اوقویانلر ، کاروبار عالمدن آل
چکمک ، خراباته وقف حیات ایتمک ایستلر .

حافظک مشرب قلندرانه سی شاعرلر هنرک
اوزرنده بویوک بر تاثیر اجرا ایله مشدر . مع ذلك
دیواننده فلسفی ، اخلاقی ، اجتماعی پک مهم فکرلره ،
پک عالی حقیقتلره تصادف اولونور . بشریت ، خاص
اولان نقایصه تعریض ایتدیککی ائنده قلمنی تهکمیدن
منع ایده مز .

حافظک غایت روان ، غایت روحواز اولان
غزللری عارفانه ، متصوفانه فکرلره مشجوندر .
بعض غزللرینک تأویل و تفسیرنده معنالی ، مناسب
بر چوق سوز سویله ییئلر اولمشدر . سفسطیاتدن
متلذذ اولان عقول ضعیفه ، یاخود سخیفه اصحابی
حافظ دیوانسه فالنامه وظیفه سنی ده ایفا ایتدیرلر . (۰)
ظهور ایدن بیتلرک - اثر تصادف اوله رق - مضمurate
توافق ، حافظه (لسان الغیب) عنوانی توجیه
ایتدیر مشدر . بو توجهک اصابتیه قائل اولمق اعتقادی
باقیدر . مشهور (کونه) یه کوره حافظ ، شرقک

(۰) تقال ایچین دیوانی آچارکن ده :

ای حافظ شیرازی برمن نظر اندازی
من طالب یک فالم نوکاشف هر رازی
دیرلر - مجله .

اک معجز ، اک بدیعه کار شاعریدر . تاریخ وفاتی
۷۹۱ یاخود ۷۹۴ در .

عرفی شیرازی

نظمده وادی مخصوص صاحبی اولان ایران
شاعرلرندن بری ده عرفی شیرازیدر . عرفی (اکبر
شاه) زماننده لاهوره کیدوب شاهک فوق العاده
التفاتنه مظهر اولمشدی . سرای شاهیده (سلطان
الشعراء) عنوانیله فرمانروا اولان (فیضی هندی)
سائقه استرقاب ایله زواللی عرفی نی تسمیم ایتدیردی .
نقعی ، قصائدنده عرفی نی تقلید ایتمشدر . عرفی
تسمیم ایدیلدیکی ائنده هنوز ۳۴ یاشنی اکال
ایتمه مشدی .

عرفی روم ایدیکم جمله ایدرلر تسلیم
کورسه لر کر بو قصیدم بلغای اعجاز

نظمی

صائب تبریزی

تبریزی « میرصائب محمد علی » نابی ، راغب کی
ارسال مثله ، مضمون پردازلقده التزام افراط
ایدن شاعر نرمنک مقتدی بهیدر . صائب صفویلردن
(شاه عباس ثانی) نک توجهنه مظهر اولمش
۱۰۷۸ ده اصفهانده وفات ایتمشدر .

ایرانک ادبیاتمز اوزرنده اجرای تاثیر ایدن
دها پک چوق شاعرلری واردر . بزم یازدیفمز
اسملر بونلرک اک مشهورلریدر . بواسملره
دیوانلر هنرده چوق تصادف ایدیلیر . شاعرلر مزگاه
کندیلرینک بونلره تفوقلرینی ادعا ؛ کاه وادی
بلاغتده بوشاعرلره تحدی ایدرلر .

فریب